

19/12 IRIZPENA

Nélida Zaitegi, lehendakaria
Xabier Aizpurua
Ainara Ibañez
Ana Marta Iriarte
M^a Teresa Ojanguren
Begoña Pedrosa
Eva Blanco, idazkari teknikoa

Euskadiko Eskola Kontseiluaren Batzorde Iraunkorraren 2019ko urriaren 3ko bilkurara bazterrean aipatutako kideak joan ziren. Batzorde horrek adostasunez eman du ondoko irizpena: **2019-20 ikasturtean Bigarren Hezkuntzako kidegoetako eta Bigarren Hezkuntzako ikastetxeetako maisu-maistren kidegoko LPZk arautzen dituen Dekretu Proiektuari buruzkoa.**

I. AURREKARIAK

EAEko unibertsiteaz kanpoko irakaskuntzako irakasleen kidegoei buruzko otsailaren 19ko 2/1993 Legeak lanpostuen zerrendak arautzen ditu II. tituluaren I. kapituluan, irakaskuntzako funtzio publikoaren egitura eta antolaketari buruzkoan; zerrenda horien oinarritzko printzipioak adierazten ditu, baita zerrendak egiteko jarraitu beharreko prozedurak ere.

Parametro hauek identifikatzen dituzte dekretu honi erantsitako zerrendetan azaltzen diren lanpostuak: espezialitatea, hizkuntza-eskakizuna eta derrigortasuna. Hizkuntza-eskakizunak hizkuntza-ereduen arabera zehazten dira, martxoaren 9ko 47/1993 Dekretuan (apirilaren 2ko EHAA) ezarritako proportziak beteta; dekretu hori urtarrilaren 18ko 6/2000 Dekretuak aldatu zuen (urtarrilaren 20ko EHAA), eta arautu egin zuen nola dekretu hori irakasleen lanpostuei. Helduen ikastetxeetako lanpostuei hizkuntza-eskakizunak jartzeko, uztailaren 23ko 182/2002 Dekretuan ezarritako irizpideak jarraitu dira.

I. EDUKIA

Dekretu proiektu honek 11 artikulua, 11 xedapen gehigarri, 2 azkenak eta 11 eranskin ditu.

1.etik 5.era bitarteko artikuluek ikastetxe mota desberdinetako Bigarren Hezkuntzako kidegoetako irakasleen lanpostu zerrendak (LPZ) onartzen dituzte. Bigarren Hezkuntza, HHE, Hizkuntza Eskolak, Musika Kontserbatorioak eta Arte Eskolak I.tik V.era bitarteko eranskinetan daude.

6. artikulua Hezkuntzako Lurralde Ordezkaritzetara atxikita dauden erlijio irakasleen LPZ jasotzen du, VI. Eranskinean zerrendatuta dagoena.

7. artikulua VII. Eranskinean azaltzen den Bigarren Hezkuntzako ikastetxeetako maisu-maistren kidegoaren LPZ onartzen du.

8. artikulua Urrutiko Hezkuntzako Euskal Institutuko (UHEI) LPZ onartzen du, eta 9. artikulua IX. Eranskinean azaltzen den Kirolene-Kirol Irakaskuntzen Ikastetxe Publikoko LPZ onartzen du. 10. artikulua Dantzerti LPZ onartzen du.

11. artikulua Urrutiko Lanbide Heziketako ikastetxe integratua (ULHII) Hezkuntzako Euskal Institutuko (UHEI) LPZ onartzen du.

1. xedapen gehigarriak hainbat plazaren banakapena eta integrazioa beste ikastetxe batean aipatzen du.

2., 3., 4. eta 5., eta 7. xedapen gehigarriek soldaten osagarri orokorrak eta kargu eta erantzukizunen arabera esleitutakoak jasotzen dituzte.

6. xedapen gehigarria hizkuntz profilen derrigortasunari buruzkoa da; 8.ak lanpostuak hornitzeko prozedura erregulatzen du; 9.ak ingelesez irakasten diren espezialitateak arautzen ditu eta 10.ak zenbait postutara iristeko behar diren espezialitateak arautzen ditu. Hamaikagarrenak dio postu guztietan aurkeztu behar dela kondenatuta ez egotearen ziurtagiria, Adin txikikoen Babes Juridikoaren Legearekin bat etorritik.

Azken lehen xedapena errekurtsioak jartzeari buruzkoa da, eta bigarrenak dio noiz sartuko den indarrean Dekretua.

II. PLANTILLEN ANALISIA

Dekretu honetan 2019-10 ikasturterako ikastetxe publikoetan jasotzen diren LPZ guztiak 9.509 dira, eta ez dago inolako aldaketarik aurreko ikasturtearekin alderatuta.

Horietatik 8.705 Bigarren Hezkuntzako kidegoetakoak dira (aurreko ikasturtean baino 75 gehiago) eta gainerakoak (804) DBHko lehen zikloan irakasten duten maisu-maistren kidegokoak dira.

LPZ organiko honetan Bigarren Hezkuntzako Katedradun eta Irakasle Kidegoak (56), eta LHko irakasle teknikoak (43) izan dute plaza kopuruaren igoera handiena.

Bigarren Hezkuntzako eta dekretuan jasotako beste kidego batzuetako LPZ organikoko plazak, ikastetxe motaren arabera. 2018-19 eta 2019-20 ikasturteak.

	2018-19	2019-20	Δ Azken urtea
Bigarren Hezkuntzako Katedradun eta Irakasle Kidegoak (BHI)	6.358	6.414	56
Lanbide Hezkuntzako Irakasle Teknikarien Kidegoa (BHI)	1.205	1.248	43

Irakaskuntza Ertainetako Inst. Teknikoetako Irakasle Kidegoa (BHI)	12	9	-3
HEOetako Katedradun eta Irakasle Kidegoak	301	303	2
Musika eta Arte Eszenikoetako Irakasle Kidegoak	116	120	4
Arte Plastiko eta Diseinuko Katedradun eta Irakasle Kidegoak	11	11	0
Bigarren Hezkuntzako Ikastetxeetako Lan Kontratudun Langileak	245	236	-9
HEOetako Lan Kontratudun Langileak	5	4	-1
Gradu Ertain. Musika Kontserbatorioetako Lan Kontratadunak	21	17	-4
Arte Eskoletako Lan Kontratudun Langileak	9	9	0
Erljio Katolikoko Lan Kontratudun Langileak (BHI)	65	62	-3
Helduen Hezkuntzarako Ikastetxeak	170	167	-3
Urruneko Hezkuntzako Euskal Institutuko langileak	60	53	-7
Kirolene, Kirol Irakaskuntzen Zentroko langileak	14	14	0
Arte Dramatikoko eta Dantzako Goi Mailako Langileak Dantzerti	11	11	0
Urrutiko Lanbide Heziketaren Ikastetxe integratua	27	27	0
Bigarren Hezkuntzako kidegoak guztira	8.630	8.705	75
Maisu-maistren kidegoa	879	804	-75
2. Hezkuntzako eta beste batzuetako plantilla organikoak guztira	9.509	9.509	0

Bigarren Hezkuntzako kidegoak jomuga ikastetxeen arabera banatuz gero, ikus liteke Bigarren Hezkuntzako ikastetxeetako plantilla organikoan 84 plaza gehiago daudela eta HHE ikastetxeetakoan murriztu egin da (-3) eta UHEIkoena (-7).

Bigarren Hezkuntzako kidegoetako LPZ organikoetako plazen banakapena, jomuga zentroaren arabera.2018-19 eta 2019-20 ikasturteak.

	2018-19	2019-20	Azken urtea
Bigarren Hezkuntzako Ikastetxeak era beste batzuk	7.885	7.969	84
Helduen Hezkuntzarako Ikastetxeak	170	167	-3
Hizkuntza Eskola Ofizialak	306	307	1
Gradu Ertaineko Musika Kontserbatorioak	137	137	0
Arte Eskola	20	20	0
Urruneko Hezkuntzako Euskal Institutuko langileak	60	53	-7
Kirolene, Kirol Irakaskuntzen Zentroko langileak	14	14	0
Arte Dramatikoko eta Dantzako Goi Mailako Langileak Dantzerti	11	11	0
Urrutiko Lanbide Heziketaren Ikastetxe integratua	27	27	0
Bigarren Hezkuntzako kidegoak guztira	8.630	8.705	75

Plantillen euskalduntzeari dagokionez, ikastetxe guztietako langileen %78,5k dauka HE2. Aipatzekoak dira DBHko maisu-maistren kidegoa (%94,5) eta HHEko irakasleena (%95,8). Dantzertiko, Kiroleneko eta y el ULHileko irakslak guztiak HE2

gainditua dauka, aeta UHII %96% Bestalde, erlijioiko irakasleen kasuan %98,4ak du HE2.

Bigarren Hezkuntzako ikastetxeetako LPZ organikoetan 2HE duten plazen portzentajea, zentro motaren arabera. 2018-19 eta 2019-20 ikasturteak.

Ikastetxe mota		2019-20			2018-19	Δ Azken urtea
		2HEekin	Guztira	2HE	2HE	
Bigarren Hezkuntzako Ikastetxeak	Bigarren Hezkuntzako kidegoak eta beste batzuk	6.342	8.075	78,5%	77,4%	1,1%
	Maisu-maistren kidegoa	760	804	94,5%	94,5%	0,0%
Helduen Hezkuntzarako Ikastetxeak		160	167	95,8%	96,4%	-0,6%
Hizkuntza Eskola Ofizialak		260	307	84,7%	84,7%	0,0%
Gradu Ertaineko Musika Kontserbatorioak		105	137	76,6%	76,6%	0,0%
Arte Eskola		10	20	50,0%	50,0%	0,0%
Guztira		7.637	9.509	80,3%	79,3%	1,0%

Kontuan hartzen badugu Bigarren Hezkuntzako ikastetxeetako (BHI) *funtzionamendu plantilla* osoa, ikusiko dugu, Hezkuntza Sailak emandako informazioaren arabera, Bigarren Hezkuntzan 403 irakasle gehiago dagoela.

Maisu-maistren plantillan, 70 plaza gutxiago dago. Bigarren Hezkuntzako ikastetxeetako plantilletan 333 plaza gehiago egongo dira aurtengo ikasturtean.

Bigarren Hezkuntzako ikastetxeetako funtzionamendu plantilla 2018-19an eta 2019-20an

	2018-19	2019-20	Azken urtea
Bigarren Hezkuntzako kidegoak eta ordainpeko langileak	8.651	9.054	403
Maisu-maistren kidegoa	932	862	-70
Funtzionamendu plantilla guztira	9.583	9.916	333

Unitate eta ikasle kopurua handitu egin da etapa guztietan, bereziki DBHn eta 1.683 ikasle eta 87 unitate gehiago daude.

Irakasle/ikasgela ratioa ikasle/ikasgela ratioa mantendu egin dira eta ikasle/irakasle ratioa hamarren bat jaitsi da.

Bigarren Hezkuntzako ikastetxe publikoetako unitateen eta ikasleen bilakaera etapaka. 2018-19 eta 2019-20 ikasturteetako aurre-matrikula.

		2018-19	2019-20	Δ Azken ikasturtea	
Unitateak edo ikasgelak (aurre-matrikula)	DBH	1.934	1.981	47	2,4%
	Batxilergoa	561	578	17	3,0%
	Lanbide Heziketa (EZ, GZ eta OLH)	1.114	1.137	23	2,1%
	Hezkuntza Berezia eta AAT, gela itxiak	95	95	0	0,0%
	Unitateak guztira	3.704	3.791	87	2,3%
Ikasleak (aurre-matrikula)	DBH	40.772	42.001	1.229	3,0%
	Batxilergoa	14.290	14.620	330	2,3%
	Lanbide Heziketa (GZ, EZ eta OLH)	21.843	21.939	96	0,4%
	Hezkuntza Berezia eta AAT, gela itxiak	597	625	28	4,7%
	Ikasleak guztira	77.502	79.185	1.683	2,2%
Irakasleak: funtzionamendu plantillak		9.583	9.916	333	
Irakasle / ikasgela ratioa		2,6	2,6	0	
Ikasle / ikasgela ratioa		20,9	20,9	0	
Ikasle / irakasle ratioa		8,1	8,0	-0,1	

BALORAZIO ETA PROPOSAMENAK

Dekretu proiektuko datuen banakatzean ikus daiteke Bigarren Hezkuntzako ikastetxe publikoetako (BHI) plantilla organikoa aurreko ikasturtekoarekin alderatuta. mantendu egin dela.

Funtzionamendu errealeko plantillei dagokienez, iaz baino 333 plaza gehiago daude, eta aurre-matrikulako datuen arabera, 1.683 ikasle eta 87 ikasgela gehiago ere bai. Horrek esan nahi du ikasle/irakasle ratioa pixka bat murriztu dela, eta irakasle/ikasgela ratioa eta ikasle/ikasgela ratioa mantendu egin direla.

Kontseiluak uste du ratioak oro har erreferentziazko araudiak ezarritakoaren azpitik mantendu direla eta Kontseiluak ondo baloratzen du arau proiektu hau.

Irizpen hau zure erabakiaren menpean geratzen da.

Bilbo, 2019ko urriaren 3an

IDAZKARI TEKNIKOA

Eva Blanco Ochoa

Ikus-Onetsia

LEHENDAKARIA

Sin.:NÉLIDA ZAITEGI DE MIGUEL

HEZKUNTZA SAILBURU ANDREA